



Bosnia and Herzegovina
Federation of Bosnia and Herzegovina

CANTON SARAJEVO
Cantonal Civil Protection Administration

Broj: 06-11-1648-8/20
Sarajevo, 05.11.2020. godine

Na osnovu člana 70. stav (1) i (4) Zakona o javnim nabavkama ("Službeni glasnik BiH", broj: 39/14), a na osnovu preporuke Komisije za javnu nabavku broj: 06-14-1648-7/19 od 03.11.2020. godine u postupku javne nabavke roba: "Kombinovano vatrogasno vozilo cisterna", *donosim*

ODLUKU
O PONIŠTENJU POSTUPKA JAVNE NABAVKE

Član 1.

Poništava se postupak javne nabavke roba: "Kombinovano vatrogasno vozilo cisterna", na osnovu člana 69. stav 2. tačka (d) Zakona o javnim nabavkama ("Službeni glasnik BiH", broj: 39/14), obzirom da nijedna od primljenih ponuda nije prihvatljiva.

Član 2.

Za realizaciju ove Odluke zadužuje se i ovlašćuje imenovana Komisija u postupku javne nabavke roba: "Kombinovano vatrogasno vozilo cisterna" i Sektor za ekonomske poslove Kantonalne uprave civilne zaštite Kantona Sarajevo.

Član 3.

Ova Odluka će se objaviti, u skladu sa članom 70. stav (6) Zakona o javnim nabavkama, na web stranici Kantonalne uprave civilne zaštite Kantona Sarajevo, (www.kucz.ks.gov.ba).

Član 4.

Ova Odluka stupa na snagu danom donošenja i dostavit će se u skladu sa članom 71. stav (2) Zakona o javnim nabavkama svim ponuđačima koji su učestvovali u postupku javne nabavke.

O b r a z l o ž e n j e

Postupak predmetne nabavke pokrenut je Odlukom o pokretanju postupka javne nabavke roba: "Kombinovano vatrogasno vozilo cisterna", broj: 06-11-1648/20 od 02.09.2020. godine.

Predmetni postupak javne nabavke je sproveden putem otvorenog postupka, a procijenjena vrijednost javne nabavke bez PDV-a je do 400.000,00 KM.



Komisija za nabavku je imenovana Odlukom, broj: 06-11-1648-1/20 od 02.09.2020. godine.

Obavještenje o nabavci, broj: 282-1-1-61-3-34/20 objavljeno je dana, 04.09.2020. godine na Portalu javnih nabavki, kao i tenderska dokumentacija za predmetni postupak javne nabavke u sistemu "e-nabavke".

Ugovorni organ je sažetak Obavještenja o nabavci broj: 282-1-1-61-3-34/20 uputio na objavu u "Službeni glasnik BiH", broj: 56/20, a što je i objavljeno dana 11.09.2020.

Ugovorni organ je u zakonskom roku odgovorio na ukupno 6 (šest) pitanja koja su kandidati/ponuđači postavili.

Ugovorni organ je objavio i dvije izmjene tenderske dokumentacije broj: 06-11-1648-2.1/20 od 25.09.2020. i broj: 06-11-1648-2.2/20 od 12.10.2020. godine.

Dana 28.10.2020. godine na protokol ugovornog organa pristigla je ponuda ponuđača Konzorcij "Firing" d.o.o. (predstavnik grupe) ul. Čajengradska bb, 71 300 Visoko i "Mipex RS" d.o.o. ul Miloša Crnjanskog 55, 78000 Banja Luka u predmetnom postupku javne nabavke roba.

Komisija za predmetni postupak javne nabavke je dana 29.10.2020. godine u 09:30 sati pristupila otvaranju jedne pristigle ponude o čemu je sastavila Zapisnik i isti dostavila predstavniku Konzorcija.

Nadalje, Komisija za javnu nabavku roba u predmetnom postupku javne nabavke je dana 03.11.2020. godine sa početkom u 12:00 sati održala sastanak na kojem je izvršila pregled i ocjenu ponude ponuđača, Konzorcij "Firing" d.o.o. (predstavnik grupe) i "Mipex RS" d.o.o. i tom prilikom utvrdila da ponuda navedenog ponuđača ne ispunjava sve zahtjeve tražene tenderskom dokumentacijom (u daljem tekstu: TD), broj: 06-11-1648-2/20 od 04.09.2020. godine, kao i Izmjenama navedene TD broj: 06-11-1648-2.1/20 od 25.09.2020. godine i broj: 06-11-1648-2.2/20 od 12.10.2020. godine, obzirom da dostavljena izjava da su nadogradnja, vatrogasna pumpa, rezervoar i monitor kompatibilni nije ovjerena od strane nadležnog organa (notar ili organ uprave), a kako je zahtijevano navedenom TD.

Shodno navedenom, odlučeno je kao u članu 1. ove Odluke.

POUKA O PRAVNOM LIJEKU:

Protiv ove Odluke može se izjaviti žalba najkasnije u roku od 10 (deset) dana od dana prijema ove iste.

Žalba se izjavljuje Uredu/Kancelariji za razmatranje žalbi Bosne i Hercegovine, putem Ugovornog organa, u pisanoj formi direktno ili preporučenom poštanskom pošiljkom na adresu: Ul. Fehima ef. Čurčića br.1, 71000 Sarajevo. Žalba se podnosi u najmanje 3 (tri) primjerka.

Ugovorni organ će postupati po žalbi na način propisan odredbama člana 100. Zakona o javnim nabavkama.

Dostavljeno:

- Svim ponuđačima
- Sektor za ekonomske poslove KUCZ KS
- a/a

**P.O. DIREKTORA
POMOĆNICA DIREKTORA**

Elma Bećirović



web: <https://kucz.ks.gov.ba>
e-mail: kucz@kucz.ks.gov.ba
Tel: + 387 (0) 33 257-330, 257-335
Fax: + 387 (0) 33 257-336
Sarajevo, Fehima efendije Čurčića 1